

卷六 <性情論>

日之為性，寬緩慈心，有大人之氣量，習君子之威儀，出入端莊，言語真實，肯憐貧念老，撫幼恤孤。火羅同度，足將進而諮起，口將言而囁嚅。木氣同度，孤剋有餘。水孛同宮，剛柔相濟。春日遲麗，溫晞可人。夏日剛烈，刑剋六親。秋日乾曬，方而不圓。冬日可愛，人皆曝之。

月之為宿，雖性聰敏，終受問於人。蓋月稟陽精，妻順於夫，性不自專，謀事多密。至於孤剋之曜也，與土蝕晦，口納言而心算計。但春月美麗，照耀山林。夏月可愛，春風和氣。秋月朗俊，出人頭地。冬月雖清，嚴凝可畏。發揮旦旦，孤潔有餘，自愛自好之性，人所未之知也。

金於五行主義，為性剛直，方多圓少。帶咸池則淫冶，帶陽刃則剛方。多義氣之人，乃終始之士，但骨肉無情，恩中生怨，然可喜者，做事最為肯任勞苦。

木於五行主仁，為性從直，有柔有剛，挽之則前，舍之則往，所謂道合則從，不合則去，不肯以私滅公，徇情說眾，不失背則負義，諸般聰明伶俐，是不憚煩，心懷惻隱。

水於五行主智，為性圓變，喜怒無常，激之則揚，抵之則怒，順之則喜，終智巧之人，多能之士，人物和氣，骨肉無情，能施恩布惠，能隨波逐流，只是於事多般，勤始而終怠終，東西無定。

火於五行主禮，為性暴躁，有喜有怒，觸之則氣奪斗牛，悅之則順如風草，終是有頭無尾有口無心，但觀其性者，如苛虐之為，然察其由者，實隘狹之故。若受水之制，溫恭有禮，辭遜謙讓，勇而後悔。

土於五行主信，為性機變，有方有圓，觸之則怨恨於心，悅之則洗無不信。但心難惻隱，是要密為，雖言語而暗計有餘，縱於是緊而反寬反緩，不寬急之心性，不忙殺之觸人。

氣乃木餘，仁之小者。所知者百子之書，有能者九流之技。煩心好靜，事多能曉。到妻宮妻主無男，到五宮而多僧道，若居財帛不取無義之財，若入命宮妨妻害子，實其性之孤高，為南方之強也。若會計都，巧言花語，又非前論。

孛乃水餘，智之小者。所知者功利之私，所能者眼前之巧，誇多斲磨，矜己忽人，喜從諛不喜箴規，愛人情不愛清致。泊陽刃咸池，則賭博為生。會計都羅喉，則巧言令色。與氣同會，反為柔弱之人，只是內藏奸計。到天門乃著朱衣之所，外貌有餘，愛聲名，喜功利。到獅子則狠而無禮，饕而有餘。到摩羯則暗計難量，外假尊重，內實嬌淫。為妨夫剋子之星，為鼓盆絕絃之曜。

羅乃火餘，禮之小者。性至於燥，燥必厭煩，煩必怒生，生成勇敢。蓋火餘而易滅，一怒而易消，事曾為而後悔，心剛勁而膽寒。居十二宮，則面班有麻。到八殺宮則為酒痣氣疾，或主損目，女常血撓。如居官祿，惹是招非。若在七宮，妻多反目。

計乃土餘，信之小者。機巧有餘，能言之士，內外異態，二三其心。所作匪常，所謀不一，到中年方保可安，安之則刑六親，孝服常見。

卷七 <輪宮賦>

金潔體而立性多剛，水鼠眸而為人不一。
木須清秀，體長而好學文章。氣必寬慈，經史而博覽廣識。
孛星身瘦小，而人前好說家風。
羅計粗雄而膽大，性多鄙吝。
火星赤黑，煩燥暴以難瞞，土星肥矮，最寡言而多慮。

卷四 <通微賦>、<玉衡經>

仁慈聰俊，木正東方。
性敏巧明，火行南律。
羅首猛烈，計尾陰柔。
太陽為性威嚴，月孛厥心淫毒。
紫氣一心兮退藏，不為福兮不為殃。
計都在曆名豹尾，若非有刑必有忌。
金水文辭為智巧，火孛通明必外遷。
辰金巳水，為文章職學之科。
酉月卯日，定卿監郎官之位。

金星守命，好色而主清高。
木德臨垣，剛毅而懷惻隱。
水如守命，多學少成。
火若當權，恣行酷毒。
沉謀熟慮，為緣土入命宮。
巧算多機，蓋是計居垣位。
獨孛則為人慳吝，單羅則賦性貪婪。
紫氣照臨，必主伶俐。

星度指南：性情出處

木為藝術好文才，金主剛方而嗜慾，水乃漂蕩而無守，火必性燥而不常，土主敦厚而沈遲，計能狡猾而深慮，孛招謗怨，羅喜貪歌，紫氣清高，心必孤介。

五星各有體性，如木主文而繁，火主暴而狂，土主厚而遲愚，金主剛而寡愛，水主快而不定。

氣守命，主慈祥，言語分明，少病有壽，或多孤寡。孛守命，主言粗語大，膽壯有為，多奸詐。羅守命，性情高傲，不耐是非，無嫉妒。計守命，性好勇，膽大多奸。

卷七、卷八 各星<總論><源髓歌>

太陽乃火之精。為人君之象。父之配。行度有盈縮。故明曆者以七十餘年。立歲差之法。以追日度之真。太陽過宮不同。推人命宮。未免有異。術者不可不審。自奎宿八度。至十三度為正廟。自婁宿八度。至十三度為正旺。自胃宿一度。至七度為次旺。躔虛房星昂四宿為升殿。獅子午上為本宮。乃中天離明之地。天光所照無私。會金水二星於身命二宮。皆主利名。文章貴品。清職忌蝕。怒火土同宮。則有害。夜生為背宿。晝生為向明。

七政昭回日最尊。配人父道象人君。晨朝杲杲從東出。萬國葵傾煖似春。照人命同守人身。員滿形容性又溫。言語殊常人仰重。處心無黨亦無嗔。或與水木相會合。文章卓犖動乾坤。金星同位好婚姻。財家財物送來頻。夜見土星晝見火。須防病患及尊親。首尾更來須惡死。紫氣緇流及道門。忽有孛星相邂逅。瘡癍說出病根源。

太陰乃水精。為人臣之象。母之所配。行度有平遲疾。已具於前。自婁宿八度。至十三度為正廟。有一家以畢初度至九度為正廟。自胃宿七度至十三度為次旺。躔危心張畢四宿。為升殿。巨蟹為本宮。若夜生人。值在圓望。皆為福德。如會金木水星。臨於身命二宮。或為堂祿星。更在廟旺宮主貴。如值殘晦。則減力。忌火土羅計同宮。為蝕神。日生人為背宿。夜生人為向明。

太陰乃是水之精。纔出中天萬國明。初夜一輪光皓潔。人皆瞻仰快人情。配母道，身從生。溫柔豐美好儀形。水日兩曜相交換。貴位居宜始見榮。歲德同宮賢聖善。外家送物不曾停。夜火會得延齡。晝生風癰母須刑。土星言語多遲訥。計羅眼目更無晶。金好色妻必淫。不賢內正非禮迎。太乙若逢須庶出。紫氣阿母會通僧。

木星東方歲星。君子之象。行度有晨夕伏退留順遲疾。自井二十九。至三十度為向旺。自鬼宿初至三度為正旺。至柳宿三度為次旺。躔斗角奎井四宿為升殿。人馬箕宿為樂。若人身命與七強宮值之。紫綬金章。官職高貴。其性仁慈。好道德溫良恭儉。善解李羅之難。能免火土之厄。縱在閑弱。宮有吉星。而無凶與刑星會。亦主近貴。又為人之壽星。子上不得地。亦看躔在何宿。若在虛度。中壽人也。六戊人為囚星。然其星性本善。不可便以囚論。六丙人為祿主星。

木星守命好容貌。眉目分明世所希。文學聰明多藝術。常懷仁義有尊卑。心少毒。貌怡怡。言談有德好珍奇。少病利官無險難。壽年長是及期頤。逢廟樂。好官資。紫氣同宮筆吏司。三合遇之為福厚。對宮猶是好磁基。太陽會合文章貴。女后同宮貴位推。夜火會。主兵機。更逢土宿主旌旗。忌星若來須減力。金同文武佐明時。惟有水星科甲貴。性慵太乙懶施為。尾添惡。首助威。孛同何以獨居之。

火星南方。執行之象。行度有晨夕伏退留順遲疾。天蠍卯上為本宮。自心宿二度至三度為正廟。至房宿四度為偏廟。自斗宿十八度。至牛宿初度為正旺。生時遇之。主有重權。躔尾室紫翼四宿為升殿。白羊戌上奎宿為樂。若人身命及七強宮值之。更遇廟旺。則為福德。日生人為忌星。夜生人為喜曜。不可執為凶星。如夜生人。更廟旺。或為祿主。當有聰明特達顯宦。忌西沒西宮。與羅計李同宮。主人凶暴夭促。與木氣同宮則吉。女人為夫星。六丙人為囚星。六甲生人為天祿。

熒惑之星本日餘。須分晝夜別賢愚。夜生陰位兼逢廟。面見微黃眉又疏。有武藝。會兵書。言辭快猛氣豪粗。形神上小下須大。祇好一身係武居。權握重。掌兵機。生來財物又居儲。惟怕晝生陽宮分。面生權骨惡肌膚。眼大性剛多燥暴。常懷氣概立身軀。不招祖業資財散。博弄經紀及宰屠。逢日月。事何如。爹娘早死莫嗟吁。木來俱備文兼武。土主英雄亂世徒。若會金星淫更佚。招妻產難定嗚呼。同水李。好穿箭。若逢計宿更遭誅。天首武臣高貴位。如臨紫氣號師巫。

土星中央鎮星。女星之象。行度有晨夕伏退留順疾遲。在磨羯為本宮。自斗宿十度。至二十一度為正廟。躔氏女胃柳四宿為升殿。寶瓶宮危宿為樂。天秤宮亢宿四度至七度為旺。生時遇之。主有重權。若日生人。身命二宮值之。更在陽宮。主性厚重。為賢德君子。職清品貴。七宮遇之尤吉。忌計羅火李同宮。夜生人為忌曜。庚生人為囚星。六戊生人為天祿。

鎮宿本生戊己位。安靜為尊象厚地。晝生惟愛在陽宮。相貌之宮主大鼻。少言語。多慳細。硬直心腸有膽氣。順行度分廟宮中。土地旌旗必雄貴。掌握資財有福人。只怕夜生反為忌。留與逆。尤可畏。刑剋陰宮身更瘁。不招祖業與資財。四體多災苦憔悴。居官惡處立其身。博弄操刀從幹利。夜生人。與日會。剋了賢尊難躲避。太陰母位不堅牢。若在下弦目障翳。木來必定主文章。火會遠行千里餘。金若來。妻早棄。水星忌與刑同類。若逢紫氣懶慵人。李對雙盲難看視。首同陰位法場終。尾會腰駝并背曲。

金星西方。太白將軍之象。行度有晨夕伏見。天秤為本宮。自亢宿五度。至九度正廟。雙魚宮至宿七度。至十三度為正旺。金牛宮胃宿為樂宮。躔牛鬼亢婁四宿為升殿。若人身命二宮值之。更在廟旺之宮。主文章秀麗。聰明特達。雄武絕倫。男則美麗堂堂。女則輕盈嬌媚。在七強則福祿稱情。男子以金星為妻星。與水木相會。大主吉慶。值火土計李。則曰併刑。反主阻滯。亦怕陷沒惡弱。在亥上壽議。寅上不得地。六己人為囚星。六丁人為祿星。

金星潔靜好顏容。秀目疏眉白又紅。身短不長聲響亮。好耽音律習商宮。多淫慾。美情惊。結交朋友久而恭。不奈是非長憫念。更於金鐵巧冶工。臨身自有將軍勢。照命兵權越是雄。妻財有。世財同。因妻榮達不曾空。太陽遇貴人提挈。女主如逢母外通。水會之星淫更佚。火逢因色起災凶。日生木宿為豪貴。夜鎮令妻貌不中。天乙貴。好相逢。遊商出賈走西東。

妻妾愛陪僧與道。李來同枕患殘癰。大首若臨居武位。尾同至老是鰥翁。

水星北方辰星。廷尉之象。雙女為本宮。自翼宿八度。至十三度為正廟。陰陽宮參角為樂。躔箕參壁軫四宿為升殿。若人身命二宮值之。更在廟旺宮。主機謀深遠。智量廣大。文章傑出。其性無定。遇善則善。遇惡則惡。近陽附陽為吉曜。近陰附陰為善慶。與日同宮。主文章。會金與木。多譽美。大忌火土羅計出沒。反成逆蹇。六壬生人為囚星。六庚生人為天祿。

辰星快利有文章。形色清嚴色潤光。智慧聰明多妙巧。出群學問不尋常。情不定。性溫良。遇圓則圓方則方。樂廟若居申巳貴。他宮筆吏好心腸。日會父筵多酒食。相逢二母莫思量。木月見。吉仍昌。李杜文章萬丈長。晝火若同貧且賤。刑剋尤防上法場。夜土會。主癱傷。金妻受入別人房。天乙更貪脩養術。彗來盜惡聲揚。首尾氣豪多勇毅。

天乙紫氣。續木之餘。在天無象。以木德最厚。立此名以追步。其餘光用之。效久不廢。其行度供伏見遲疾退留。自奎宿十一度。至十五度為正廟。或言觜宿廟。又言牛宿廟。躔室牛為旺。尾箕為樂。若人身命宮值之。更在廟旺無凶照破。處世富貴。福壽雙全。仁慈道德。好善樂賢。能解計李火土之難。若臨陷沒。亦九流僧道。其星為孤星。主人心孤身寡。一生好靜。為人之壽星。又為文人解宿。但守身命。為人豁達之操。對照則為福德。但癸人見之減力。六辛人為天祿。

紫氣眾星中最善。形相分明人仰羨。心懷仁義性溫柔。作事與人為方便。無妒毒。多謹愿。少病利官長壽算。好耽僧道直身孤。舉措始為慵更懶。太陽近貴作閑人。月會母親先化幻。夜火同時醫與巫。土木更來尤懶慢。金同妻妾是娼妮。水會智能稱俊彥。彗星分得賊人財。天首僧尼訟爭戰。天尾星同有機變。

太乙月孛。乃水之餘。在天無象。古人以水星在天。其行最疾。為福為禍最多。立此名以推步。其餘光用之有驗。久而不度。其行度無伏見犀疾。自井宿十九度。至二十一度為廟躔。柳宿初度至六度。為偏廟。虛危參為樂躔。胃為旺。若人身命值之。更在廟旺宮。皆為祿主。果斷雄武。亦大貴人。喜行陰宮。夜生忌於他星同。只宜獨行。為災為福力大。如遇火土羅計同宮。變福為禍。君子遇之。時有不仁。女人見之。淫蕩無禁。在疾厄宮。主隱癖之疾。六丁人為囚星。六乙人為天祿。

彗星威烈形似黑。眉目精神光灼爍。神威鎮猛少言詞。膽氣鏑雄心性惡。能運謀。多禮樂。最有心機難測度。財多聚散一身孤。父母家財多索寞。金牛巨蟹及雙魚。寶瓶宮中好安著。堂堂容貌有威權。富貴崢嶸人驚愕。日月會。事安著。父母兇狂先蓋廓。木來必定助威權。金會貪淫妻受謔。男為巫術女為尼。水到穿窬入樓閣。土火亂世號英雄。紫氣更能修合藥。天首會。好劫掠。天尾法場世拋卻。

天首羅喉。續火之餘。乃曆家之交初。故曰羅喉。對照則曰計都。交初交終。乃日交會之次。交深則有蝕。古人以日月交融。國家見之。尚有禍福。凡人命限見之。豈無休咎。在天無象。其行度無伏順留逆。羅喉陽曜利於晝。在午宮。星宿三度至五度為正廟。箕宿為樂。在雙女陰陽宮為正廟。軫宿十二度至十五度為正旺。昂心二宿亦為次旺。若人身命二宮值之。更在廟旺之宮。可為雄銳貴品之格。主人特達慷慨。性不受觸。若陷沒與火土孛同宮。多主為刑暴屠沽之流。貴命見之。則有武斷之威。小大不宜見之。六乙人為囚星。六癸人為天祿。

羅喉性格最為高。形相猙獰膽氣豪。不奈是非無妒毒。日生陽位始堅牢。逢廟地。有操持。榮加旌節有旗旄。富貴只宜陽位立。陰宮私合苦煎熬。日月會時人見蝕。須憂父母死難逃。金會助權好兵武。更防因色病成癆。水到財多逢賊盜。水來才調好風騷。土逆四支不是足。火持好殺弄鎗刀。


天尾計都。續土之餘。乃曆家之交終。故計都對時則羅喉。交初交終。計都陰曜。利於夜。在雙女宮。軫宿十三度。至十六度為正廟。雙魚宮壁宿四度。至十度亦為廟。昂心二宿為樂。尾婁二宿為旺。六甲人為囚星。六壬人為天祿。

計都本名凶惡曜。雙女白羊為好廟。面顏似火膽如神。骨相堂堂粗勇貌。有心機。多巧妙。夜同陰宮宜守照。聲名顯赫有威風。掌握兵符權最要。在他宮。力半效。聚散資財立身鬧。經求博算及屠沽。心膽情懷多執拗。見日月。真好笑。父母無終深可吊。金來妻妾被人傷。土火徒流遂堪料。水來盜賊不良人。木氣宮中為吉兆。孛同斬首最為凶。

入垣、升殿、廟旺、喜樂、貴賤


- 星辰入垣：
- 太陽在午宮、太陰在未宮、水星在巳申宮、金星在辰酉宮、火星在卯戌宮、土星在子丑宮，以上為星辰入垣。
- 星辰升殿：
- 日躔：星、房、虛、昂四日宿。
- 月躔：心、危、畢、張四月宿。
- 水躔：箕、壁、參、軫四水宿。
- 金躔：亢、牛、婁、鬼四金宿。
- 火躔：尾、室、翼、觜四火宿。
- 木躔：角、斗、奎、井四木宿。
- 土躔：氏、女、胃、柳四土宿。以上為星辰升殿。

圖 旺 廟 辰 星




- 星辰廟旺圖

圖 樂 喜 辰 星




- 星辰喜樂圖

圖 格 貴 辰 星



- 星辰貴格圖
- 凡入垣星辰、升殿星辰、廟旺星辰、喜樂星辰、貴格星辰，掌身命官福田財妻嗣等主者為合格。(吉)

圖 格 賤 辰 星



- 星辰賤格圖
- 凡賤格星辰，掌身命官福田財妻嗣等主者為忌格。(凶)

• 七政恩用仇難及躔次得失：

水星喜金，金星喜土，土星喜火，火星喜木，木星喜水。日喜金水輔從，月喜火羅侍衛，以所喜者為恩。

金星怕火，火星怕水，水星怕土，土星怕木，木星怕金，日怕木，月怕土計，以所怕者為難。又諸星躔恩度入喜宮為得次(吉)，躔難度入怕宮為失次(凶)。

星曜	廟宮	旺宮	喜宮	樂宮
日	午	巳、戌	寅	午、辰
月	戌	酉	亥、卯	未
水	午	子、巳、申	辰	巳、申
金	辰、酉	午、亥	巳	辰、酉
火	卯	丑	丑、申	卯
木	亥	未	未	寅、亥
土	子、丑	卯、辰	午	丑、子
氣	申	丑、亥	戌	-
孛	未	寅、巳	亥	子、酉
羅	寅、午	卯	戌	-
計	巳、亥	寅、卯、戌	子	卯

以上依果老星宗卷一整理

另可參考：星平會海 卷首

論五星相生

火宜獨居，生星不宜重見，如木生，更不宜見氣。

木喜相生，須要得時，如秋木落陷，水孛同聲，則木浮矣，陷行殺地，加浮沉，主水厄。

土主羅火夾生，根本雖固，失之太驟，若守命主，其非疾似疾，加殺則疾顯揚。

金喜土計夾生，根本固，但發遲，遇生旺則高。

水宜金生，但秀而欠實，凡金水皆秀星，不若木土火羅之盛。

眉批：凡相生要得其時，不宜太過，不宜不及。太過則浮，不及則沉，要得勻均為福。羅乃火之餘，又來生土，猶人之有嫡母庶母，本有相妒而無情。

論五星相剋

金遇火羅剋最凶，加重殺則傷殘，蓋飛廉陽刃為重也。金不宜為飛廉陽刃，羅火不宜為天雄地雌。

木不宜金剋，若金為飛廉陽刃最凶，他殺稍輕。

水不宜土剋，強遏則水不順流，加計則水渴矣，或主氣滯，女人主月水不通。

火忌水剋，加李則凶。

土忌木剋，加氣則重主疾，限遇之難療，或瘡疾，加殺則經年不愈。

十一曜定格：

- 【日月合格】

日居日位：日居午位，太陽居垣。

月入月垣：月居未宮，太陰居垣。

日到日躔：日躔星虛房昴，又曰太陽升殿。

月升月殿：月躔張危畢心，又曰太陰升殿。

日東月西：寅卯辰謂東方，申酉戌名西地。

日南月北：巳午未謂南域，亥子丑名北闕。

日月居垣：日居午，月居未。

日月升殿：日躔日度，月躔月度。

日月並明：月本無光，借日為明，晝生合格。

陰陽得地：日居東南，月在西北，故曰得地。

日月包五星：五星居中，日月前後包裹。

日月包四餘：四餘在內，日月左右包裹。

日月夾拱祿馬：祿勳驛馬，宜日月拱夾。

日月拱夾殿駕：歲駕歲殿，喜日月拱夾。

日月拱夾斗貴：斗杓貴人，宜日月拱夾。

日月拱夾符印：唐符國印，喜日月拱夾。

日月拱命：日月拱命宮，日月拱命主。

日月夾命：日月夾命宮，日月夾命主。

日月拱財：日月拱財宮，日月拱財星。

日月夾財：日月夾財宮，日月夾財星。

日月拱田：日月拱田宮，日月拱田主。

日月夾田：日月夾田宮，日月夾田主。

日月拱官：日月拱官宮，日月拱官星。

日月夾官：日月夾官宮，日月夾官星。

日月拱福：日月拱福宮，日月拱福星。

日月夾福：日月夾福宮，日月夾福星。

日月拱妻：日月拱妻宮，日月拱妻主。

日月夾妻：日月夾妻宮，日月夾妻主。

日月拱嗣：日月拱男女，日月拱嗣星。

日月夾嗣：日月夾男女，日月夾嗣星。

- 【日月忌格、日月專取拱夾拱夾吉則吉拱夾凶則凶】

日居月位：日在未宮是也。

月到日宮：月在午宮是也。

日躔月度：日居心張危畢度。

月躔日宿：月居星虛房昴度。

日西月東：謂之陰陽背行。

日北月南：謂之日月相反。

日月失垣：名曰陰陽失位。

日月失殿：名曰陰陽失躔。

陰陽俱晦：晦朔夜生，日既無光，月光安在。

日月失所：日居西北，月在東南，故云失所。

孤陽無輔：無分晝夜，謂之孤君獨立。

寒月單行：冬月寒凝，謂之獨陰晝生者吉。

日月拱夾刃雄：陽刃天雄，怕日月拱夾。

日月拱夾的劫：的殺劫殺，忌日日拱夾。

日月拱夾廉鋒：飛廉劍鋒，怕日月拱夾。

日月拱夾耗符：四耗四符，忌日月拱夾。(天耗地耗大耗小耗、年符月符病符死符)

日月拱夾孤寡：孤辰寡宿，怕日月拱夾。

日月拱夾刑害：三刑六害，忌日月拱夾。

日月拱奴僕：日月拱奴宮，日月拱奴星。

日月夾奴僕：日月夾奴宮，日月夾奴星。

日月拱疾厄：日月拱疾宮，日月拱疾主。

日月夾疾厄：日月夾疾宮，日月夾疾主。

日月拱遷移：日月拱遷移宮，日月拱遷移主。

日月夾遷移：日月夾遷移宮，日月夾遷移主。

日月拱兄弟：日月拱兄弟宮，日月拱兄弟主。

日月夾兄弟：日月夾兄弟宮，日月夾兄弟主。

日月拱相貌：日月拱相貌宮，日月拱相貌主。

日月夾相貌：日月夾相貌宮，日月夾相貌主。

• 【五星合格、五星者即木火土金水也】

歲星居垣：木在寅亥二宮。

熒惑居垣：火在卯戌二宮。

鎮星居垣：土在子丑二宮。

太白居垣：金在辰酉二宮。

辰星居垣：水在巳申二宮。

木星升殿：木躔角斗奎井四宿。

火星升殿：火躔尾室觜翼四宿。

土星升殿：土躔女胃柳氏四宿。

金星升殿：金躔亢牛婁鬼四宿。

水星升殿：水躔箕壁參軫四宿。

木月清貴：弦望夜生合格，月晦寒天不取。

火月同宵：晦朔夜生為妙，月明晝誕次之。

金助月華：夜生秋天為奇，晝月冬生無益。

水涵蟾魄：月寒水冷何益，望前望後尤佳。

木火文明：冬春月生，無分晝夜為妙。

火土高強：夏生火，炎土，燥餘月，晝夜皆吉。

土金堅實：秋冬土埋金，寒餘月皆妙。

金水相涵：冬生金，寒水，冷餘時，晝夜皆吉。

青龍扶硯：寅卯月生，木日同宮。木為青龍星。

朱雀御符：巳午月生，火日同宮。火為朱雀星。

勾陳鎮殿：辰戌丑未月，土日同宮。土為勾陳星。

白虎從駕：申酉月生，金日同宮。金為白虎星。

玄武持旌：亥子月生人，水日同宮。水為玄武星。

五星循環：木火土金水循環環拱命位。

五星聚會：木火土金水順聚會照命宮。

五星入廟：木火土金水俱各入廟歸垣。

五星入旺：木火土金水次第乘旺得地。

• **【五星忌格、居于垣局則腰金重重入于失次則家破疊疊】**

木入金鄉：木在辰酉二宮。

火居水地：火在巳申二宮。

土在木宮：土在寅亥二宮。

金乘火位：金在卯戌二宮。

水居土室：水在子丑二宮。

火到金鄉：火居辰酉二宮。

土居水地：土在巳申二宮。

金在木宮：金在寅亥二宮。

水乘火位：水居卯戌二宮。

木入土室：木居子丑二宮。

金木共躔：金木相剋。

水火同步：水火相剋。

木土相剋：木遇土而剋。

火金交戰：火金相剋。

土水相激：土剋水之故。

• **【四餘合格、四餘者即是氣孛羅計也】**

羅計中分：羅午計子。

出乾入巽：羅亥計巳。

羅計攔截：晝截諸星東南，夜攔眾曜西北。

四餘獨步：氣孛、羅計各占一宮。

- 一星跳垣：羅計截斷漏出，有用之星者貴。
- 木羅會舍：木為用神，冬春生躔，廟旺宮佳。
- 火氣職權：火為用神，入廟旺宮合格。
- 木孛符印：木為用神，臨廟旺吉。冬生無力。
- 祥雲捧月：弦望夜生，月宜氣捧，冬月次之。
- 太乙抱蟾：弦望夜誕，月喜孛抱，寒月不取。(太乙即孛星)
- 羅月交輝：晦朔夜生，月宜羅交，寒月尤佳。
- 首星捧日：晦朔夜生，日喜羅助，冬月最妙。
- 金計同垣：金為用神，居垣廟吉，冬生減力。
- 土羅相會：土為用神，居廟旺奇，夏生大燥。
- 首尾陰陽居四正：羅計日月，宜居四正。
- 火羅計孛守四維：四維即四正宮亦通。
- **【政餘合格、政者日月五星餘者氣孛羅計】**
 - 金水從陽：金水掌吉，神居垣殿，晝生者奇。
 - 火金侍月：火金為用，神臨垣廟，夜生者妙。
 - 五曜環陽：木火土金水順序，輔日於東南。
 - 四餘捧月：氣、孛、羅、計單行捧月於西北。
 - 五曜隨陽：晝生合格。
 - 五星隨月：夜生合格。
 - 七政入垣：日月木火土金水，各居本垣。
 - 三台合格：午巳卯宮得日金水同行。
 - 五曜連珠：五星連續無間，順度相生者奇。
 - 二星合璧：即日月也。各得其度。
 - 眾曜拱南：眾曜會巳午未上，更坐命於此。
 - 群星朝北：群星聚亥子丑宮，宜安命於此。
 - 居三隔三：三位有星，三位無星，星垣殿貴。
 - 守一空一：一宮有星，一宮無星，星廟旺貴。
 - 文武兩班：七政文四餘武，文東武西合真。
 - 君臣慶會：日君午月臣未，命坐其中合真。
 - 戴天履地：命亥月申，命亥月巳。
 - 出乾入坤：命月亥火戌金酉日申。
 - 天地開明：水申木亥，命安申亥，羅計子午。
 - 山澤通氣：木寅金酉，命坐酉寅，兼格高貴。
 - 水火既濟：水子火午，命坐子午。
 - 風雷鼓舞：水巳火卯，命辰合格。
 - 十一曜拱端門：子位。
 - 十一曜拱帝座：午位。
 - 十一曜拱天門：亥宮。

十一曜拱地戶：申宮。
十一曜拱殿駕：歲殿歲駕。
十一曜拱祿馬：祿勳，駙馬。
十一曜拱身命：身宮，命宮。
十一曜拱妻嗣：妻妾宮，男女宮。
十一曜拱官福：官祿宮，福德宮。
十一曜拱田財：田宅宮，財帛宮。
十一曜漏關：十一位有星，十一位無星。
十一曜得經：諸星分布垣廟。

• 【政餘忌格】

火羅犯日：晝日怕火，羅同宮掌，刃雄尤忌。
土計掩月：夜月忌土，計同宮掌，殺刃尤甚。
四餘侵陽：氣、孛、羅、計不宜犯於太陽。
五星失次：木火土金水各居剋戰之宮。
木蔽陽光：晝生忌木氣掩，夜生宜火羅助。
月圓火焰：上弦後，下弦前，夜月忌火羅。
孛羅交戰：亥命孛羅掌，田財作吉推。
計孛同宮：亥卯坐命，孛計掌福，田反吉論。
水計相刑：水為用神則凶。
土孛混雜：土為用神則力輕。
金羅同剋：金為用神則壞矣。
火孛共戰：火為用神則損矣。
乾坤否塞：亥命金羅，申命土計。
風雷相薄：水卯火巳，辰宮坐命。
水火相射：水午火子，或木卯戌，或火巳申。
山澤沉埋：金寅木酉為用神失格。

• 【諸星次格、次格者乃補遺之謂也】

日月聯輝：日月木火土金水，同宮相生。
木氣聯枝：木氣孛在寅亥，命宮官祿合格。
玉猿守崑：水躔參度，會日命安，水度者貴。
雙魚戲水：水星同命，在亥壁度。
玉猴嘯月：火觜月畢坐命，火月度夜生貴。
玉女嫦娥：水軫月張，命箕主貴，女貌傾國。
龍躍天池：亢金龍立命，金亥從日月。
蒼龍入井：亢金角木，坐命金木，躔井合格。
金鶯宿柳：金同命躔，柳近太陽尤妙。
虎嘯猿吟：木尾火觜，亥命大貴，巳命大富。
氣孛朝斗：氣孛同命斗度，如化魁祿富貴。

火孛擎天：火室孛壁，水軫火翼，皆主富貴。

一福專權：福元不起，無星雜為美。

一星滿用：守命最吉，或入垣升殿尤佳。

祿居斗杓：斗標坐祿勳宮，又居官祿為貴。

星照本家：納音星為壽元，守命宮為妙。

八殺朝天：如戌命火，又未命土，或辰命金。此三星獨占天門，得時為上。

惟金火尤重，夜生顯貴之人也。

身居八殺：如命在寅未，為八殺，而身星居之。又值斗柄、國印、唐符加臨，主權貴。

卷六 <七政四時論>

• 論日：

春天之日秀麗。萬物得宜最妙。三台引護。水金佐之。謂向陽。花紅當春。最不宜雲雨之星。與日交會。枝葉繁茂。掩日光輝。不能變化。木火氣羅交會。朝拱太陽。代日行權用事。火日俱名有氣。人皆喜之。天降吉祥。殊不知火羅能化木氣之權。以為吉言。

夏令之日。火烈陽剛。人皆可畏。最喜水孛同行。濟潤變化。乃是晴霽兼行。萬物精彩。富貴自然。最怕木氣火羅。朝拱太陽。萬物摧枯。一陷千丈。

秋天之日。方而不圓。六親早離。最喜金水輔日而行。方是淋雨濟潤。萬物甦茂。精神可愛。富貴榮華。如見火日迎照。無水濟潤。乃火炎威未退。為禍最慘。

冬天之日。溫暖熙熙。人皆可愛。午時為福之大也。夜生喜木金火羅朝日。火日皆有光霽。文武雙全。不宜夜生。又見水孛土計。為雲雨之星。掩日光彩。限行遇之。為禍最重。若水日同行。得木飛來。泄水之氣。遇火飛來合度。取火出色。乃太陽光霽。此謂雷下天時。人皆富貴。或有行限。先見水孛。後見火日。謂之久雨逢晴。先主艱難。而後容易。又有先行火日。後見水孛。此謂之久晴逢雨。先主容易。而後艱難。

• 論月：

春天之月。照耀山林。雖花雨風流。而晦月亦當不美。最喜太陽逢時。陽輝明暖。豐盈財福。夜月見木。則萬木清清。文章秀發。夜月見火。為火月交輝。人生富貴。如夜月見木。更帶桃花之星。生於二月之時。為花月爭輝。皆風流瀟灑。精神光彩。斯時之月。不宜與土計交會。謂之雲掩月華。不足論也。又不宜孛寵之星。隨月而行。掩太陰之光。為禍甚重。

夏天之月。揚輝布暖。春風和氣。溫惻可人。水孛潤之而不寒。羅火照之而不燥。斯時之月。喜木氣以相扶。忌土計以掩蝕。金雖力薄。夜誕而喜月同行。月本無光。晝假太陽而有輝。

秋天之月。光輝朗耀。普照乾坤。出人頭地。逢水相涵。如碧潭之皎潔。得金為助。則精神而倍佳。弦望之際。豈宜羅火以爭光。晦朔之期。那堪土計而相迎。見孛者。為太乙抱蟾。而食祿非凡。會氣者。乃祥雲捧月。必清高而顯貴。

冬天之月。嚴凝可畏。發輝旦旦。孤潔有餘。雖清光遍於河海。而寒月亦當欠舒。所忌者水孛相逢。最嫌者土計關照。金星伴之以無情。木氣挾之安有益。生於晝者。借日光而布暖。誕於夜者。仗火羅以助輝。善觀星者。勿論生剋。先明四時。須分晝夜。於斯消詳。可為至矣。

• 論木：

夫木者。東方青帝之神。庖羲氏執規司事。故曰。木為仁。仁者生。生者圓。所謂規行生泰之權。持華秀麗之令。

春令之木。漸有生長之象。孟春之時。猶有微寒未退。借火羅以溫其枝。則

木無盤屈之拘。當有舒泰之美。如木與太陽同宮。名為向陽花木。必然早占鰲頭。富貴之人也。設使水孛相逢。則根損枝枯。不能華茂。春末夏初之木。有枝有蔓。有條有榦。多見金而發福。金能琢削其木。有棟樑之材。經曰。木繁而無金琢削。縱榮華。而末歲孤窮。

夏令之木。根燥葉乾。盤而且直。屈而已伸。喜水孛濟潤。而無枯槁甦醒。欣欣生意。榮華之人。

夏末秋初之木。斯時氣脈虛矣。晝生忌躔四火之度。又不宜與太陽交互。蓋是日烈木焦。不足論也。晝生木躔四水之度。而與太陽交光。此是上下濟潤。不可以木焦日烈而論。乃水之秀麗。枝葉繁茂。精神富貴。九月寒露之邊。遇火羅助。自能變化。

冬令之木。斯時萬物蕭疏。如晝生與太陽交光。謂之日邊紅杏。布占先魁。遇此造化。豈不美哉。兼能有榦。文才清高。如日生遇火羅。謂之寒谷回春。富貴雙全。如無太陽火羅同宮。得生巳午未之時。借日光霽。冰霜凍解。猶可舒暢。或木躔四火之度。又與太陽交輝。可作十全之福也。如遇夜生。木躔四土之度。又逢水孛凍折。窮之極矣。

- 論火：

夫火者。南方赤帝之神。神農氏執衡司事。故曰。火為禮。禮者齊。齊者平也。所謂衡行炎陽之令。主成齊之權。

春令之火。正二月之時。寒氣未消。最喜火羅木氣互度。見太陰夜生光彩。文武富貴。火本酷烈。逢木慈仁。以善化惡。以剛制柔。剛柔相濟。貴而能決。威福權衡。

春末夏初之際。火入水宮。水入火地。名為桃花滾浪。火煖花紅。名利雙清。但火不宜與水孛同行。謂之受剋。逢土有救。能破水孛之氣。名曰子來救母。祿自豐盈。見金為黨鬼。獨火之氣脈虛也。

夏末秋初之火。斯時秋陽杲杲。借水以濟其盛。乃剛柔變化。最不宜與木氣同照。火羅朝拱。太陽無水濟潤。迎照度限。萬物摧枯。一陷千丈。如有一水貫日。一孛濟火。為之淋漓普濟蒼生。萬物甦茂。精神宛轉。富貴。經云。火焰而無水淘溶。縱發而早年夭折。又有先見火日。後見水孛。此謂之久旱乾焦。槁苗得雨。先主艱難。而後快活。又有先見水孛。後見火日。謂之久雨逢晴。先主快活。而後艱辛。

冬令之火。斯時黑帝司權。水德用事。而火失時，最喜木氣相扶。若夜火貫日。加以祿印爵貴佐之。反能富貴。名揚天下之人也。其火最忌水孛土計。羅喉交互。火之氣脈虛矣。如有一木飛來。泄水之氣。助火出色。所謂水生木。木生火命脈健矣。此乃精神轉運。合為貴論。

- 論土：

夫土者。中央黃帝之神。軒轅氏執繩司事。故曰。土為信。信者誠。誠者直。所謂繩居五行之中。負載養育之權。

春令之土。晝生與太陽交會。蓋是陽和一點。天地皆春。若有官令祿印爵魁

佐之。主守成富貴。夜生最喜火照。土德朝拱太陽。蓋火土俱名精彩。代日行權用事。北方生者。一人之下。萬人之上。忠臣良將。

春初生者。土計不宜與水孛交會。謂之泥逢泛滑。如土躔四水之度。又逢水孛。春末夏初生者。謂之土陷山崩。皆非好格。蓋四五月間。洪水滔天。斯時土之氣脈虛矣。

夏令之土。最喜水孛。若得同宮。以潤土之精神。斯時也。萬物長養結實。遇水發生。清源可愛。富貴無言。

夏末初秋之土。不宜與羅火交會。為之火燥土烈。無水孛濟潤。萬物摧枯。一落千丈。晝生土與太陽交輝。亦為日烈土焦。如逢水孛。此謂上生下潤。土之精彩。萬物秀麗。大降吉祥。

冬令之土。最喜日溫。自能變化。夜生木氣火羅。佐助土之精神光彩。朝拱太陽。皆主文武富貴。倘與水孛同躔。極主貧寒。若得一木飛來。泄水之氣。而又遇火飛來合度。此謂精神展轉為妙。

- 論金：

夫金者。西方白帝之神。金天氏執矩司令。故曰金為義。義者成。成者方。所謂矩行收斂之令。主肅殺之權。

春令之金。不怕火羅。借火羅以溫助。謂之煉金成器。變化氣質。不宜與水孛同行。春初生者。凝互寒凍未退。無火日溫之。極主貧寒。

夏令之金。不宜生水就賴水以制其剛。爍石逢源。主利名顯達。夏令羅火。何以相逢。冬月如斯。自能發福。

秋令之金。乃白帝司權。金神用事。不怕火羅而剋。不喜土計而生。借水映色。正此謂也。金白水清。最喜秋生者貴。若金水朝拱太陽。最為奇特。經曰。金堅而無火煅煉。終見凶頑。蓋火尚殺伐。水尚澄清。文武皆沾。剛柔相濟。名揚四海。

冬令之金。斯時寒凝凍結晝喜日光而溫之。夜喜火羅而照之。定主文職蒙恩。不宜與水孛交互。極主貧寒。水冷故也最妙晝土逢陽。以溫其土。可助其金。主威武之職。又逢火羅拱互降祥。正所謂金羅相會。閫外司權。

- 論水：

夫水者。北方黑帝之神。高陽氏執權司事。故曰水為智。智者謀。謀者重。所謂權行嚴凝之令。主殺物之權。執性不定。決諸東則東流。決諸西則西流。遇冬則結。遇夏則散。

春令之水。斯時冰霜凍冷。借木氣火羅溫之。自能變化。晝生水孛。太陽同行。名曰光霽澄徹。謂之冰霜凍解。心宇清吉。作事整肅。政令威儀。當主臺省揚名。所忌金星交互。晝生為妙。夜生貧寒。二三月間。天氣暢和。遇水濟潤。發生萬物。作事超群。但四五月間。泛濫無定。必無福矣。

夏令之水。及洪水滔天。得土隄防。最為奇妙。經云。水盛而無土隄防。遂歸愚濁。若有土旺。不以為倒限論。反主名利發達。

秋令之水。七八月間。既濟萬物。不宜受剋。既能借土隄防。而不泛濫。又

能潤土結實萬物。清源可愛。富貴榮華。若水受剋泄者。皆水之氣脈虛矣。卻不為福。

冬令之水。秉令行權。雖曰水神用事。能非令也。斯時點水成冰。凍結寒滯。不能變化。得火為上令。得土為次令。得太陽佐之。方可言令也。江河之水。緣何有凍。井內之水。緣何無凍。蓋土多則水暖而清。江河之水。凝寒成凍。不能變化。喜日光霽火土溫之。天降吉祥。

卷四 <四時賦>【鄭希誠註】

- 切以三冬之木遇水而寒。冬水不能始生木之功。
- 九夏之土逢火而燥。夏火太旺，生土反燥。
- 金埋土而反晦。秋金土重反晦。
- 土混水而致濁。冬水冰結土混不清。
- 無根之木遇惡水，而飄泛東西。木躔金度或與金同，夏月水勢盛反被漂流。
- 受制之土見猛水，而崩潰四出。春夏生物之土乃為受制，遇水反崩潰。
- 春金見月，淡薄無成。金未成不能助月。
- 冬月遇金，饑寒刺骨。寒月不宜傍金星。
- 火逢月朗而無權。望夜火月爭光。
- 金得火明而煥發。秋金見火為奇。
- 寒月最宜干陽。月借日光固喜，近陽冬月尤吉。
- 夏火不妨見月。夏火本炎，遇太陰以解酷熱，火得令能助月。
- 未垣坐命、太陽行限，則柔而能剛。未乃陰宮，行限遇太陽，則陰從陽以剛濟柔也，昴日度。
- 星度為元、太陰司用，則懦而無力。星乃陽度，行限遇太陰，則陽從

陰受制於陰故懦。

- 盛夏之火何須木氣生扶。木至六月則絕而不旺，見火反乾。
- 六月之水最怕火日枯涸。六月水主輔陽，反為不美。
- 夏金遇日銷鑠無聊。夏金與日同躔必鎔。
- 秋木逢陽凋零何補。
- 戌垣之火，取用與卯垣不同。戌火勢微，不論四時，最怕水亨卯火勢盛，惟冬怕水亨初生之火，宜木氣生扶。
- 酉宮之金，行限與辰宮有異。土中之金，不大畏火羅。
- 冬水喜於南奔。
- 戌火忌於發露。居婁宿則吉，微弱宜藏。
- 冬春之木，見日則謂向陽。
- 冰凍之土，會火始能發用。
- 月圓火焰，奈爭鬥而無成。
- 水凍金寒，縱相生而不發。
- 寒土何生金之有。所謂土寒者，不生之故。
- 秋水非滋木之時。秋木凋零，不能足水之滋。
- 辰酉坐命，土犯月而尤佳。金命喜土為母。
- 卯戌為垣，亨抱蟾而反害。火命怕亨為難。
- 殘晦之月見火增輝。初八以前，二十以後，三方對照得火相助。
- 剛燥之土遇水滋潤。夏土乾燥，愛水滋潤。

- 諸星皆退，主星獨順，乃中流砥柱之人。
- 群曜都衰，身星有用，則獨步軒昂之士。
- 土在子、木在午，似有衝而無害。子命。
- 命居申、土居亥，行此限以何妨。申命不忌土計，在亥則土受制。
- 婁乃金石之火，觸日方發。婁金安命相從太陽。
- 箕乃蒙泉之水，見金不清。得木蔭之乃清，若金伐木，不得蔭庇，沙泥所以不清。惟參軫議論不殊，與亢星取用歸一。
- 丑宮坐命不可以木為刑囚。木受制不為害。
- 星柳為垣，亦不可以木為難。木若失時不為惡。
- 豈不有水中之火，巳翼火。火中之金，戌婁金。金垣之木，辰角木。木垣之土，寅艮土。
- 冬水為命，太陽行限，財不足而福有餘。水滋其煖。
- 春土作主，火星發用，彼無力而我何藉。春土本不旺而火恩躔泄，則母無力而我何藉。
- 論星先要論時，論殺無過論理。
- 火本畏水，巳宮翼火為登殿。火翼。金本畏火，戌宮婁度亦歸經。金婁。木本怕金，辰宮角宿為登殿。木角。土本怕木，寅宮艮土反長生。土寅。
- 造化貴在擇用，術士妙在推詳，此論先聖之祕奧，而後學必寶敬之。

星曜入度、星曜躔宿、星曜入宮

旦

日度：主性忠直，有道藝，宜仕宦，得貴人委用，有聲名，平生有福，作事長遠。

更是主星，晝生，有位，近君；面圓耳聳，眼大，主大貴。

月度：主得父母力，為事有密謀，見事深遠，善主財。是主星，有官位；不是主星只是大富而已。

木度：主貴達，平生多福，合仕本鄉官，多見金帛，晚年主富。

火度：主作事清直，有福，性直不顧危亡，多歷四處遊蕩。

土度：主貴人委用，宜男女宮，亦多技巧，微貴或虛貴。

金度：主好音律，歡樂，多怨少仁，平生多不順，是主星，晝生加福力，有高官貴位。

水度：主財帛豐足，多學多智，潔淨，多好使錢，有貴人扶持。

角宿：日躔角宿號天成，晚歲豐享少亦貧，膽大心高超眾庶，前程端擬大聲名。

亢宿：日躔亢宿號天柱，學問文章有古今，為人歡樂最賢豪，性識孤高行未遇。

氏宿：日躔氏宿號天符，美貌堂堂出眾徒，性快心高多自耐，江湖漂泊少年孤。

房宿：日躔房宿號天祿，潔淨為人享清福，高才富學有聲名，耿介超群還不俗。

心宿：日躔心宿號天昌，白日生人福壽康，若至晚年尤享福，一生終是足衣糧。

尾宿：日躔尾宿號天枵，白日生人富益饒，性急多才人莫敵，夜生鄙俗事煩騷。

箕宿：日躔箕宿號天魁，俊義文章有大才，父母必須生貴子，官高位顯列三台。

斗宿：日躔斗宿號天明，剛勇方為膽氣英，產業經營辛苦置，老年豐富享安平。

牛宿：日躔牛宿號天機，機變猶長文藻馳，更得木星來贊助，榮貴聲名天下知。

女宿：日躔女宿號天德，清秀聰明多智識，天文玄象性孤奇，白日生人最為吉。

虛宿：日躔虛宿號天司，耿直聰明膽氣兼，白日生人多富盛，夜生逢此足屯遭。

危宿：日躔危宿號天隆，性直文章學問豐，營運資盼難積蓄，老年方見免災凶。

室宿：日躔室宿號天福，膽氣權謀性多慾，平生安樂少災逆，父母康健延金穀。

壁宿：日躔壁宿水金運，皓魄相同福自綿，祿馬更來相聚會，果然折得桂花鮮。

奎宿：日躔奎宿號端守，富貴榮華年壽久，文章高貴眾難加，白日生人福自有。

婁宿：日躔婁宿號天宮，大尹公卿將相逢，年少便膺居鼎鼎，生時值此必興隆。

胃宿：日躔胃宿號天解，令德性賢位安太，脾疾冷涎身有壽，日生卻得年高邁。

昂宿：日躔昂宿號天房，耐事經營足食糧，才略機謀多智策，稱為當世一賢良。

畢宿：日躔畢宿號天強，賢德才高萬事昌，音律善通憂慮少，心多嗜慾行無良。

觜宿：日躔觜宿號天鈞，足祿多能享世榮，學問淵源才挺出，此人名必播朝廷。

參宿：日躔參宿號天水，冷淡持身欲不累，少才多學富聲名，官宮有祿終須貴。

井宿：日躔井宿號天弼，冠世文章增福力，公侯卿監世間榮，福祿恩波傳子息。

鬼宿：日躔鬼宿號天流，先代資財用不休，巧計機關人莫測，心間多事出陰謀。

柳宿：日躔柳宿號天梁，仕宦須令仕本鄉，金帛豐盈多積蓄，晚年須見祿榮昌。

星宿：日躔星宿號流澤，卿相當朝須得力，三方主曜旺高強，富貴榮華聲赫赫。
張宿：日躔張宿號天正，才智聰明文武並，官星得力善星居，祿貴兼全增吉慶。
翼宿：日躔翼宿號天婁，賢德文才出智謀，若得木星同此位，定應官識守清幽。
軫宿：日躔軫宿號天階，年少功名自鼎來，端潔為人須大量，定須九棘與三槐。

日宮：主作事明白，足學有智，好修善，有玄藝。是主星，晝生有位，夜生有財；非主星，晝生大富，不受貧苦。

月宮：主得父母力。為人性密，作事難量，立機謀，與人結交無終結，少年遠行損財。是主星，老年大富；非主星，微有福力。

木宮：主為人聰慧，作事有斷，多心機，善主財，是財帛宮，少苦老樂。火、土同宮，妨父母兄弟，是主星，晝生轉加富貴；與羅計同宮，主災禍。

火宮：主為人性微急，作事明白，知人災福，多智見，是財產，父多病，日生人及在陽宮，轉佳；夜生，減半。

土宮：主為人性沉厚，有威嚴，能營運，多財物。是主星，晝生大貴，夜生大富；不是主星，晝生少孤獨，微有福力，更在土度，則凶。

金宮：主有賢德，知未來事，因女人有喜，多計謀，好鬥戰，有好妻妾及子孫，兼主殊常有福。

水宮：主性極聰明智巧，是文才，所為不定，能守事，常患冷疾，會天文，玄學。晝生，是主星，大吉。

月

日度：主有貌，多才，足聲名，為事方圓明白，非常有福，若是主星，大貴，婦人遇之，大旺夫位。

月度：主形貌超群，精神爽快，平生有稱心之福，每遇貴人見知。巧言語多，淫慾好女色。

木度：主文學佳，有福，好經營，多財產，少年貧，中年弱，老年富。

火度：主性急多災，有兵火之厄。一生為事卑賤，少與貴人結交。更有惡星同宮，在官壽短，吉星加臨，免之。

土度：主一生多不順。若吉星助之，更在月初度，大貴，因妻子有憂，過三十二，吉，因妻有喜。

金度：主富貴有貌，好歡樂，有母妻妾，王者委用。多因婦人生災，若是女人，主荒淫。

水度：主聰明智慧，有學問，心巧，出入得貴人重。

角宿：月躔角宿號天貴，學問淵源須大智，多才慈惠更溫良，夜裏生人最為利。

亢宿：月躔亢宿號天璣，富貴榮華人好異，平生安樂足豐榮，妻妾顏容更奇美。

氏宿：月躔氏宿名天劫，性急多嗔又乖劣，日生兵火須逢難，若是夜生衣祿絕。

房宿：月躔房宿號天祥，文章學問更蕃昌，出眾機謀多計巧，十生衣祿壽須長。

心宿：月躔心宿號天驕，運用機謀智未全，少年未脫生涯計，如臨晚景始安然。
尾宿：月躔尾宿號天宗，勇智多謀膽氣雄，穿窬剽掠心常有，見水方教免禍凶。
箕宿：月躔箕宿號天財，冠古窮今學問該，但得對宮逢吉曜，文章得地應儒魁。
斗宿：月躔斗宿號天封，偉望威名學問通，君子逢之須得祿，小人遇此走西東。
牛宿：月躔牛宿號天廕，作事施為要沉審，性直溫良少苦辛，纔過中年便安穩。
女宿：月躔女宿號天寶，學問聰明多智巧，文章冠世早登榮，遷官必定居廊廟。
虛宿：月躔虛宿號天常，有貌多才更善良，衣食豐盈倉庫實，聲名閭里自揄揚。
危宿：月躔危宿號天文，磊落襟懷少比倫，為人玷污多巧計，圖畫機關行不真。
室宿：月躔室宿號天鸞，形貌清奇富且安，更得木星同位立，直須秦對近天顏。
壁宿：月躔壁宿號天華，語言蹇滯事沉思，若遇蝕神兼月孛，主須生長在寒微。
奎宿：月躔奎宿銘肝腸，不勞余力至員郎，要得吉得居十位，定應台輔佐君王。
婁宿：月躔婁宿號天垣，旺廟之中福祿全，君子遷官居祿顯，小人衣食旺庄田。
胃宿：月躔胃宿號天印，十度之中貴無並，更兼金木又同行，金榜題名官一品。
昂宿：月躔昂宿號天光，平生官祿不尋常，聰明才貌超今古，異日須為給諫郎。
畢宿：月躔畢宿號天明，峻宇雕牆樂太平，更得金星來照助，少年及第占魁名。
觜宿：月躔觜宿號天女，富足之人更有官，賢淑生來形貌美，此身自在不勝歡。
參宿：月躔參宿號天官，俊義宏才學問寬，富足慈仁心好善，貴人和色對天顏。
井宿：月躔井宿號天充，夜生輕巧性奸雄，愛說是非心不定，文章必定是虛空。
鬼宿：月躔鬼宿號天鸞，好樂之宮每事安，得力相生官位吉，公卿要路上金鑾。
柳宿：月躔柳宿號天觚，德行清高愛讀書，聰俊文詞人最重，聲名揚赫帝王都。
星宿：月躔星宿號天節，歡樂雖多病磨折，貪慳財物行無良，性急多嗔有災厄。
張宿：月躔張宿號天曹，才力經營志氣高，形貌端方榮貴早，晚年又見福堅牢。
翼宿：月躔翼宿號天迺，雖然祿位也艱辛，骨肉分離難保守，又知壽夭是元因。
軫宿：月躔軫宿號天理，勇智多端文學取，少年辛苦老豐隆，赫奕聲名傳萬里。

日宮：主好歡樂，多病，平生多福，每遇貴人見重。是主星，夜生富貴，晝生微福。

月宮：主性密口敏。不是主星，微有福力；若是主星，因婦人富貴。夜生足財，有權位。

木宮：主稟性沉厚，好慈善，有威名，多財祿。是主星，夜生轉加福厚。

火宮：主為人性急，多智勇，見事不長，平生亂與人結交，因此有厄。是主星，可免。

土宮：主性溫，作事沉默，夜生尤甚，晝生好女色。平生好訟，性好殺，有心機，有詞智。是主星，微有福力；不是主星，平生多災，有善星照望，則免。

金宮：主好容貌，人知重，巧言語，多情慾，得婦人敬愛，謀事多成，一生得暗昧之財物。

水宮：主性聰明，多智見，好文章有聲名，足財產，夜生輕巧，會文章，好圖畫，不貪。若是女人，多被人玷污。

木

日度：主文藝過人，有聲名權柄，多親貴族，得君王委用。

月度：主有文章足詞，能知未來事。是主星，轉加福力，若腦後有高骨，大貴。

木度：主性格寬厚，文章出眾，居貴位，有二妻，多男女。若是主星，晝生富貴。

火度：主多災厄，好爭訟，少年難養。水度同宮則減，主有好妻，兼得妻財。

土度：主多口舌爭訟，晝生免之。若臉生如滿月，聲響清正，其人大有貴權。不是主星，多因獄訟，不成事，亦主有位，見妻遲，娶他人妻，三十以後富。

金度：主先文後武，得美妻，因此有憂。宜男女，善掌財，有主上委用。

水度：主性情不定，能詩書，得貴人重，多藝術。

角宿：木躔角宿號天貴，詩禮傳家居職位，更能藝術近公卿，財祿豐盈名早遂。

亢宿：木躔亢宿號天城，財祿榮華顯大聲，學問操修君委用，巖廊輔鄴一豪英。

氏宿：木躔氏宿號天窮，命若逢之災禍凶，剋子害妻孤惇早，安身衣祿必難逢。

房宿：木躔房宿號天臧，進祿榮身侍聖王，白日生人尤大富，定應官職佐巖廊。

心宿：木躔心宿號天喜，少年榮貴妻雙美，多男多女富金珠，國家庫藏君王委。

尾宿：木躔尾宿號天和，官祿榮遷福更多，三進又須三退位，年來三七定干戈。

箕宿：木躔箕宿號天祥，官職須登佐廟廊，才學經邦當大用，一身榮貴坐槐堂。

斗宿：木躔斗宿號天程，才智全兼早貴名，柱石邦家須大用，必為廊廟福蒼生。

牛宿：木躔牛宿號天犁，貧苦初年晚見妻，只恐是非君莫怨，家財破盡化為泥。

女宿：木躔女宿號天機，藝術聰明事事為，內富外貧財庫足，只憂妻子見分離。

虛宿：木躔虛宿不曾安，天陣之星百事難，內外不和家稍進，離鄉應是保身安。

危宿：木躔危宿號天然，骨肉從來在外邊，衣食平平莊產置，到頭終是不安全。

室宿：木躔室宿號天材，俊逸文章福大來，柱石標名官爵厚，公卿端許到三槐。

壁宿：木躔壁宿號天勳，金石豐登定貴榮，若是夜生身不足，日生終是富平安。

奎宿：木躔奎宿號天耘，災厄雖多訟獄頻，年少有災妻子剋，老來方始得安寧。

婁宿：木躔婁宿號天英，天馬如逢太不平，富貴有期多患害，生來孤獨卻安寧。

胃宿：木躔胃宿號天耆，舉措施為百事宜，性善心慈衣食旺，一生應不見凶危。

昂宿：木躔昂宿號天祥，大體為人性格良，妻子安和家道盛，到頭終是足衣糧。

畢宿：木躔畢宿號天蒙，身命安康福祿崇，不見凶危終是吉，斯人才貌更豐隆。

觜宿：木躔觜宿號天靈，秉性聰明擅大名，作事機關人莫測，要知財福少年成。

參宿：木躔參宿號天聰，性直文章六藝通，戶口拜畿堪立任，位登臺省必高崇。

井宿：木躔井宿號天史，遇此之人貴氣郎，年少尊崇登要路，須知官職在京堂。

鬼宿：木躔鬼宿號天精，衣紫腰金極貴名，將相居朝三十載，明君輔贊四方清。

柳宿：木躔柳宿號天庭，佐國安邦保太平，若不官居廊廟位，定然朱紫至公卿。

星宿：木躔星宿號端門，宏遠聲名位亦尊，貴祿豐榮官職顯，廟堂應是展經綸。

張宿：木躔張宿號天裕，福壽康寧人罕遇，家藏金玉旺兒孫，生產資財能積聚。

翼宿：木躔翼宿號天才，金玉豐登似土堆，進益生財家道盛，滿堂金玉自天來。

軫宿：木躔軫宿號天柱，財帛豪強定富榮，騰達聲名人仰羨，只恐多災疾病增。

日宮：主立性仁厚，好慈善，為人有信，作事方圓，每遇貴人見知，有壽，權貴。
晝生人轉加福力。第二宮不見火土，乃大貴人；見火，惡死。

月宮：主聰明，有文藝，得貴人扶持，有聲名，有財物，能知未來事。晝生最吉，
是主星，大貴；不是主星，平生有財。

木宮：主為人厚重，作事有斷，好聲名，文學佳。是主星，晝生貴命；不是主星，
一生多財物，貴人見知。日生有福，大富。

火宮：主為人性急，有威嚴，能經營事，主財物。是主星，日生在陽宮，有文武
權大貴；不是主星，晝主財，夜微福。

土宮：主才智，平生多口舌。是主星，微有職；不是主星，且免貧賤。

金宮：主為人性急，見事深遠明白，於人有義，得大人委用，不缺乏財，近王侯。
是主星，晝生富，夜生有財；不是主星，平生多福。

水宮：主為人性巧聰慧，與人結交有終始，內敏外剛，有福有壽。

火

日度：主為人性急，多是非，損祖財，是主星，夜生有位，日生有財；不是主星，
平生多訟，好色慾，變善為惡；晝生帶劍死。

月度：主性急，食卑下之祿，雖聰明亦短夭，其人出言不實，多是非，與人交結
不久長，多有暗昧災，因文人有危，是主星得免。

木度：主一生多災厄，因疾病中損害四肢，或犯風狂、損傷男女。是主星，得吉
曜相扶助，則可減矣。

火度：主威名嚴厲，一生足詞智，因武藝則有鋒芒，多子孫，亦忌小人相損。

土度：主損兄弟，男女主惡死，木見則免，三十二以後有財。

金度：主一生多受貧窘，因女人敗聲名，木見則免。若是主星，晝生，轉加福力，
身有貴位。

水度：主一生多災厄，施恩德；有不善之報。

角宿：火躔角宿號天娼，衣食隨時不善良，害子剋妻婚難合，免教衣食見恓惶。

亢宿：火躔亢宿號天戈，妻妾宮中有折磨，好色損妻心不定，此人衣食必奔波。

氏宿：火躔氏宿號天輕，衣食生來不稱情，心性輕狂多膽志，晚來方可得安寧。

房宿：火躔房宿號天梁，官職超遷輔弼良，將相公侯名必貴，此身佩紫與金章。

心宿：火躔心宿號天相，統領兵機為上將，更兼樞府四十年，富貴功名徹天上。

尾宿：火躔尾宿號天穆，此人必定榮衣祿，安然納福不奔馳，超騰晚景最多福。

箕宿：火躔箕宿號天明，作事機權性最靈，為官必得君王寵，大任終當領萬兵。

斗宿：火躔斗宿號天征，生殺之權有大聲，祿旺中年主富貴，三公位至播芳名。

牛宿：火躔牛宿號天朽，先代家資盡滅亡，形貌魁梧多智勇，此生終羨少年郎。

女宿：火躔女宿號天暗，多成多敗心狂亂，若非木旺在宮扶，六親害盡資財散。

虛宿：火躔虛宿號天磨，貧困初年財不多，心受是非耽女色，更添女子不相和。
危宿：火躔危宿號天淋，好色貪花智勇深，破祖離家自成立，施恩終是福重興。
室宿：火躔室宿號天強，勇智操持武職良，更得木星來資助，定須學館作文章。
壁宿：火躔壁宿號天滅，兄弟兒孫道路絕，伶仃孤苦萬千般，晚景稍可身安悅。
奎宿：火躔奎宿號天廚，衣祿生來自有餘，勇義智高才學美，威名應許達皇都。
婁宿：火躔婁宿號天暘，命裏逢之出外襄，恩德又施兼有道，淵源學向翰林場。
胃宿：火躔胃宿名天沒，定是終身無子息，中間困苦又艱難，奔走東西漫勞役。
昂宿：火躔昂宿號天鏤，身蹇身孤性又愚，貪酒多淫心不足，到頭衣食亦無餘。
畢宿：火躔畢宿號天危，身見災逆必損妻，破蕩家貲遊冶客，資財耗盡走東西。
觜宿：火躔觜宿號天淫，風花雪月四時行，浮泛自然家業破，奔馳晚歲始身榮。
參宿：火躔參宿號天倫，火性顛狂好損身，工巧細心兼有志，做些陰鷲與兒孫。
井宿：火躔井宿號天中，智慧威嚴膽氣雄，衣食平平人命蹇，晚年方始見亨通。
鬼宿：火躔鬼宿號天祥，家富因何乏子郎，只怨天年多夭折，不然惡死沒家鄉。
柳宿：火躔柳宿號天池，多慮多疑多是非，剋子剋妻兄弟絕，平生衣食卻隨時。
星宿：火躔星宿號天榮，必定前程有大聲，更得十宮星得力，為官穩穩到公卿。
張宿：火躔張宿號天頡，汨沒平生難共說，若非壽夭二親亡，剋子傷妻兄弟缺。
翼宿：火躔翼宿號天憐，心性猖狂學有成，智術多端加嗜慾，生平衣食主多情。
軫宿：火躔軫宿號天暴，手足風狂多顛倒，晚年衣食稍平安，只恐妻兒命難保。

日宮：作事多成，為人性急，有聲名，善決斷，有武勇，作文詞。是主星，有權兵之貴；不是主星，日疾，損父母，或夭死，天乙貴人可免。
月宮：主性格不安定，多驚怕，出言不審是非。若是主星，夜生有位，日生有財；不是主星，夜微有福，日生被婦人損陷。亦主促壽，不善終。
木宮：主得王者任用，有兵權之貴，為人內剛外柔，於人有義，見事深遠。是主星，有權貴；不是主星，大富。
火宮：為人性堅密，有道藝，好文才，足聲名，富貴機巧。若是主星，富貴非常；不是主星，性急忠直，外敏內剛，知人災福。夜生富貴，晝生財薄。
土宮：性急，形貌魁偉，有勇志，損祖業一兄弟，好行兇惡，招暗中是非，有惡聲名，不足畏懼。是主星，好殺有權，不是主星，多因殺害而死。
金宮：好色損妻，好鬥爭，見事不遠，與人交結無終始。是主星，微有職位；不是主星，微有財。
水宮：工巧細心，有財智，多刑獄，好殺害，一生多被人阻撓，與人結交無終始。是主星，見小利不顧大事，幹事多成，每被人損陷。是主星，可免；非主星，因小人損陷性命。

土

日度：主父貴，常患冷疾，夜生尤甚，為人厚重，性有終始，若是主星，晝生大貴，夜生微福。

月度：主妨母損財，多患冷疾，好文章，足詞智。是主星，轉厚，若腦後有高骨，大貴。

木度：主有財，貴人見重，晚年必得男女力。

火度：主損父母兄弟，四十以前有女人厄。晝生，一生有福，多因國家特達用之；夜生，好行凶惡事，主醜惡殘疾。若是主星，少年多災，日後貴。

土度：主大富貴，有聲名財產，有權位祿馬。

金度：主父先亡，三十以前多厄，多辛苦，必有二妻。是主星，有非常之福，每遇貴人見重。

水度：主人畏服，食貴人之祿，損男女，多被人損害，有木同宮，可免。

角宿：土躔角宿名天壽，蓋世文章冠魁首，經綸事業富胸襟，不是公卿主富有。

亢宿：土躔亢宿號天仁，博厚文章達帝京，廊廟之中官極貴，蠻夷安鎮得清平。

氏宿：土躔氏宿號天牢，命限逢之孤且高，年少定應傷骨肉，中年榮貴免煎熬。

房宿：土躔房宿號天信，少年作事苦勞神，語言誠實人多厚，男女難招食貴人。

心宿：土躔心宿號天忌，情性遲疑最有靈，疾病纏身雖天壽，全無義氣性慵平。

尾宿：土躔尾宿號天奇，百六逢之必有依，若是忌星須促壽，又須參考本根基。

箕宿：土躔箕宿號天彬，衣食豐隆卻稱情，官位若逢貴星照，國家掌判有聲名。

斗宿：土躔斗宿號天樞，事業文章富有餘，台鼎任中朱紫貴，定須象簡與金魚。

牛宿：土躔牛宿號天侗，心性溫和衣祿豐，若是夜生多蹇滯，身多下賤處貧窮。

女宿：土躔女宿號天常，柔順機謀足食糧，勞力經營心有慮，生來只恐父先亡。

虛宿：土躔虛宿號天冠，好樂之宮出貴官，四九度中登宰輔，重金重紫列朝班。

危宿：土躔危宿廟堂窠，祿厚財豐事不訛，舉措施為多利便，言柔語順性溫和。

室宿：土躔室宿名天伏，福厚財豐衣祿足，多男多女有資財，家道安然富金谷。

壁宿：土躔壁宿號天異，祿馬豐盈有權位，身名遠播定安榮，官祿吉星宜大貴。

奎宿：土躔奎宿號天津，貧賤奔波損父娘，若是中年貧苦至，晚年方可足衣糧。

婁宿：土躔婁宿號天驄，土婁須要木相逢，婁木雖高非土壯，刀鎗之下定西東。

胃宿：土躔胃宿號天磨，財物充盈滿倉庫，難婚終是少男兒，不貴仍須還大富。

昂宿：土躔昂宿名天伏，平生須食貴人祿，多因胥吏得榮名，將相聲名人畏服。

畢宿：土躔畢宿號天回，能通經術足錢財，中年便得文章力，必主兒孫擅大才。

觜宿：土躔觜宿號天模，父母先亡身早孤，衣食平平身汨沒，此身應懶讀詩書。

參宿：土躔參宿號天津，立世經營業未興，男女尤如行路客，貴人得祿一番新。

井宿：土躔井宿號天驪，命若逢之心似癡，若習文章應費力，此生衣食也微微。

鬼宿：土躔鬼宿號天文，縱有資財化作塵，男主須防無上下，一生不足歷艱辛。

柳宿：土躔柳宿號天稽，無祿無財又損妻，若是日生衣食足，晚年終是色沉迷。

星宿：土躔星宿號天途，父貴兄榮事不虛，只恐夜生脾疾苦，日生應可足金珠。

張宿：土躔張宿號天娥，信行為人事不訛，年少淹滯中主貴，形神肥厚足田禾。

翼宿：土躔翼宿號天然，經術雖通性不堅，會有文章身不貴，聲名遠播足威權。

軫宿：土躔軫宿號天箋，才藝皆通至老年，未得文章求發跡，只將經術保身全。

日宮：主高位，招財，日生，大吉，好事清潔。

月宮：主父多聲名，母先亡，損財，平生多災，每被婦人相撓，與人結交，多因此致其厄難。是主星，可免，晝生，富貴；不是主星，夜生貧賤。

木宮：主聲名利國家，居貴位，妨男女，養人子為子，為性沉厚，作事難測，多得貴人扶持。是主星晝生，有位。夜生有財。非主星，晝生富足，夜生有福。

火宮：主智謀，多膽氣，性鈍多難，有疾病，壽不長，性凶好殺，富有兵機，作事不長遠。是主星，有貴位，非主星，多醜惡殘疾，有救星，可免。

土宮：主性格寬緩柔順，足詞智，見事深遠，於人有情、富文章，足道藝，多利便，夜生，多難。是主星，國家進用，身有貴權；非主星，大富。

金宮：主剋母難婚，少男女，老孤，一生得婦人敬愛，好色能杯，因婦人成立，足財帛，兼有貴位。

水宮：主為人聰明，通經術，少言語，有文章，足財帛。是主星，晝生，大貴，夜生，微貴。不是主星，晝生大富，夜生多災。

金

日度：主難婚，性凶猛，好爭戰，有出長之計，因戰伐而立功名，若聲語細，前後必有七星，是使相之財也。

月度：主多淫，因婦人財物上立身，或娶下人為妻，行非禮之事。男主貴；女人遇之，主淫。

木度：主武男超群，常歡樂，快心性，足財物，貴人見重。

火度：主因女人有喜，平生難婚偶，亦被婦人損陷。

土度：主晚婚，娶妻老幼不等，相去十載以上者。少年離鄉井，因妻妾有憂，好色慾，財帛聚散不定。是主星，主有位。

金度：主有兵權之貴，好色慾，有好子女。

水度：主得人敬愛，有好妻，一生貴達。合娶親戚女為妻，不然先姦後娶。

角宿：金躔角宿號天清，年少登科擅大名，衣祿生平豐且厚，為官清貴佐朝廷。

亢宿：金躔亢宿號天昌，挺出英才姓字香，文武兼全為宰輔，定應旌節受恩光。

氏宿：金躔氏宿號天將，少失尊親性自剛，衣祿文章全自得，莫教貪慾損爹娘。

房宿：金躔房宿名天角，衣祿生來殊不薄，處己溫良心好慾，文章腹內一些無。

尾宿：金躔尾宿號天殃，骨肉資財定見傷，若不修仙并積德，定須夭壽見悽惶。

箕宿：金躔箕宿號天彤，妻子乖離吉見凶，家計縱然饒富足，老年不免又貧窮。

斗宿：金躔斗宿號天銓，貪色貪財行不賢，男女雖多終是剋，更無衣食少安全。

牛宿：金躔牛宿號天繩，色慾多貪命裏淫，衣食生來自豐足，晚年優裕享安寧。

女宿：金躔女宿號天奸，多女多男自小間，若是十宮星得力，何愁此地不為官。

虛宿：金躔虛宿號天編，美貌豐容福壽綿，災害不侵安到老，隨時衣祿自然全。

危宿：金躔危宿號天兢，溫儉忠良性自清，文學定須因女富，文星入命出官身。
室宿：金躔室宿號天勳，必主遷官近帝君，聲振四方持節鉞，位登樞密大尊榮。
壁宿：金躔壁宿號天光，彭祖年時壽命長，若是女人財喜旺，豐容美貌嫁才郎。
奎宿：金躔奎宿名天厭，未遂功名身不賤，為人溫厚更寬容，性識孤高名有見。
婁宿：金躔婁宿號天薨，必定為人少失親，酒色是非應不免，晚年富貴樂平生。
胃宿：金躔胃宿號天端，命若逢之五品官，任是兵刑兼法令，定須出入侍金鑾。
昂宿：金躔昂宿號天璋，為官進速任關梁，卿監位中名早得，也須腰紫佩金章。
畢宿：金躔畢宿號天聯，赫奕功名近帝前，不作外臺觀察使，須登廊廟職陞遷。
觜宿：金躔觜宿號天營，冠世文章出眾群，翰苑聲名詞藻麗，也須上國立功勳。
參宿：金躔參宿號天晶，學問詞鋒冠世英，若是官宮星得力，定須貴籍早標名。
井宿：金躔井宿是吉宮，高才博學福豐隆，為官定是居廊廟，福及蒼生祿萬鍾。
鬼宿：金躔鬼宿號天淫，婦女逢之有外心，戒行不遁迷酒色，平生衣食自來臨。
柳宿：金躔柳宿號天關，快樂平生衣食閑，男女更多人貴重，豐盈財物性尤寬。
星宿：金躔星宿號天熒，理義精通學冠群，更若火星來會此，是非酒色不堪聞。
張宿：金躔張宿號天暘，財物多貪行不良，若是妻遲難得子，平平衣食壽延長。
翼宿：金躔翼宿號天英，學問文章顯大名，經術更能修顯著，此身榮貴樂平生。
軫宿：金躔軫宿號天程，口舌輕狂兇害生，言語不真心泛濫，多端非禮有奸名。

日宮：主為人性剛，作事無定，多得貴人見重，婚姻難。是主星，有位；非主星，長壽。

月宮：主為人性溫和，作事明白，有密謀，善貯積，因女人財物日生，好女人之事。是主星，夜大貴，晝微貴，不是主星，夜生大富貴，晝生有禍。

木宮：主聰明，性格過人，作事敏捷，得女人之財，有聲名，因貴人有喜。是主星，晝生有財，夜生有位；非主星，晝生微富，夜生大富。

火宮：主為人性急躁，作事無定，因女人有厄，及口舌狂亂。是主星，有福，夜生有位；非主星，有技藝。

土宮：主為人好歡，多色慾，少男女，每得貴人見愛。土星同宮，則為事不正，下賤之人。是主星，夜生有位，晝生有財，有福能掌財，貴人見重；非土星，微有福矣。

金宮：主為人聰明，作事和緩，日生好女色，因女人有厄。是主星，有貴位；非主星，晝生有福，夜生微有職位。

水宮：主為人聰明，智性超群，有節操。是主星，轉加富貴，晝生微有職位；不是主星，多因婦人引惹因而獲福。

水

日度：主性格溫厚，內剛外敏，聰明有才智，眾人見重，是主星，晝生有位，夜生大富；不是主星，晝生文藝出眾，不貴，夜生性巧，因道藝立身，後必富。

月度：主性聰明有信，急性、多巧、多嘖，有貴位。

木度：主多智謀書算，多男女，能行義事，為事吉慶。非主星，多災。

火度：主多災厄，為性不定，多毒害，因妻子有厄，損財，主患風狂，木見，減半。

土度：主損兄弟，因男女有厄，婚姻不定，或娶在他州，有暗疾災纏，或損一目，多貪財論訟。火相剋則死，木相應則免。

金度：主性格聰明，英雄多才智，好兵法，知未來事，有聲名，足財帛。是主星貴不可測，亦因女人嫉妒之厄。

水度：文學佳，有聲名，常快樂，能言善道，足財帛，女人有厄。

角宿：水躔角宿號天成，清秀文章學術明，喜怒无常心不定，平生衣祿自豐盈。

亢宿：水躔亢宿號天津，容貌清奇通道術，心清柔暇作文章，多智多能善音律。

氏宿：水躔氏宿號天旨，言語聰套知道體，人情好惡性能通，遇吉終須文學貴。

房宿：水躔房宿號天淫，智識聰明太古心，衣祿自然情泛濫，文章學術有人欽。

心宿：水躔心宿號天凌，清潔為人快性情，巧計多修文業事，聰明才藝兩三分。

尾宿：水躔尾宿號天澄，理義該通學術明，資財耗散多災否，惟恐風狂疾染身。

箕宿：水躔箕宿號天淫，快樂心閒樂自真，衣食平生財亦足，文詞道藝細評論。

斗宿：水躔斗宿名天德，俊譽文章心耿直，榮貴子孫和且樂，豐衣足食語言澀。

牛宿：水躔牛宿號天甄，和氣交朋益子孫，機密謀為人不識，多財應得外人屯。

女宿：水躔女宿號天驛，眼疾朦朧是貴人，好學貪財多議論，平生衣食也艱辛。

虛宿：水躔虛宿號天馴，清潔為人財亦勻，多技多能心亦善，弟兄孝順樂天倫。

危宿：水躔危宿號天中，語澀心難眼半朧，中未之年方得力，外人財物稍寬容。

室宿：水躔室宿號天攸，文學聰明智慧優，歷事未能心預測，算籌多計樂柔幽。

壁宿：水躔壁宿號天池，智慧多能有志機，玄象天文多洞達，平生衣食不相虧。

奎宿：水躔奎宿號天凌，忠直為人急性情，財祿自然多積聚，平生多事不安寧。

婁宿：水躔婁宿號天斯，耿直為人不受欺，衣祿豐盈多稱意，一生快活少凶危。

胃宿：水躔胃宿號天泓，耿介為人記事明，忠孝存心多執拗，為人衣祿未安寧。

昂宿：水躔昂宿號天閩，容貌清奇識五音，心謀巧計事沉靜，衣祿平平禍不侵。

畢宿：水躔畢宿號天淋，歷事三思性又欽，容貌清奇衣食厚，文才學問滿胸襟。

觜宿：水躔觜宿號天樞，清白為人好讀書，多藝多才多智巧，平生歡樂遠行居。

參宿：水躔參宿正廟居，文星入廟要囚扶，水宿聰明多好動，囚能自執不凶虞。

井宿：水躔井宿號天澍，心好清閑智量深，籌算文章人薦用，聲名遠播在儒林。

鬼宿：水躔鬼宿號天洪，好靜為人更美容，心內洞明兼道釋，眾人欽敬樂無窮。

柳宿：水躔柳宿號天注，柔善為人處世當，能作文章心巧計，聲名閭里有稱揚。

星宿：水躔星宿號天清，伏見皆能官職增，與日同宮須大用，定為喉舌玉街行。

張宿：水躔張宿號天榮，富貴雙全性又靈，文武相兼皆並用，賢能兄弟佐朝廷。

翼宿：水躔翼宿號天異，年少登科文學濟，清華要路驟遷榮，與日同行須大貴。

軫宿：水躔軫宿號天岑，文學之官眾所欽，謀略聰明人倚重，才華藻思入儒林。

日宮：主聰明文學，聲聞四海，好圖書，有道藝，合得主上重用，多因貴人喜愛，夜生有財。非主星，晝生文藝出群，順行並貴；生微有福。

月宮：主聰明工巧，好文學，得貴人見重。是主星，有位；非主星，因武藝立身致富。

木宮：主聰明出群，明玄象，知好惡，能知人。是主星，多近加王左右，得貴人見知；非主星，微有福。

火宮：主為人性沉厚，作事方圓，有心機，好道德，明音律禍福，預知人休咎，凡事有成。是主星，生有位，晝生有財；非主星，夜生有福，晝生技巧，非貴也。

土宮：主性凶猛，見善行善，見惡行惡，言語澀，心細難測，得外人財物，主患眼目。是主星，微有職位；非主星，多橫非之災，善星救之可免。

金宮：主形貌端正，心性寬，多憂惱，能音律，與人為師。

水宮：主聰明急性，能知人，有文藝。是主星，夜微貴，晝生富；對照三合，性格亦同，福力減。

氣

角宿：氣躔角宿號天休，機智清閑藝術優，僧道逢人多吉慶，庶人不繫若虛舟。

亢宿：氣躔亢宿號天僮，性善文章藝術通，不獨為官并富旺，神仙快樂福無窮。

氏宿：氣躔氏宿號天環，雲水留心自得閑，耿介孤高人自傲，只宜仙道坐山間。

房宿：氣躔房宿號天冲，清福平生孰與同，道釋白衣消息好，資財衣祿卻豐隆。

心宿：氣躔心宿號天德，玄象天文須會德，儒門釋典自能通，子孫雖有終須剋。

尾宿：氣躔尾宿號天淵，心性豪強剋子孫，謀略威權人莫測，聲名忠義史書傳。

箕宿：氣躔箕宿號天遁，智識機謀果毅深，性直文章聲遠播，貴人相遇有知音。

斗宿：氣躔斗宿號天斛，飄然孤潔為清福，文章忠直外安閑，朋友柔和衣食足。

牛宿：氣躔牛宿號天輪，尊重清高害六親，金火逢之官顯赫，如逢木月富豪人。

女宿：氣躔女宿號天瑞，耿介孤高性獨明，但得吉星居十位，必為廊廟福蒼生。

虛宿：氣躔虛宿號天文，清秀為人近至尊，骨肉難為自孤潔，達人僧道樂衡門。

危宿：氣躔危宿號天侗，章服平生與貴同，說地談天心曉悟，逍遙樂道在崆峒。

室宿：氣躔室宿號天玄，道釋儒流性自然，經術從來胸臆悟，文才洞徹事神仙。

壁宿：氣躔壁宿號天覺，機智文章更多學，更能籌算悟天機，舉錯能為應不錯。

奎宿：氣躔奎宿號天乙，性直忠良又煩急，平生多是不安閑，不受人欺財聚積。

婁宿：氣躔婁宿號天虛，骨肉無緣六親疏，自是緇黃遮體服，清閒衣食樂虛無。

胃宿：氣躔胃宿號天音，衣祿生來必稱心，妻子宮中難聚會，四方交友自同襟。

昂宿：氣躔昂宿號天端，重厚為人命亦寒，耿介性情難得犯，家門忠孝百行安。

畢宿：氣躔畢宿號天吉，天乙居中加福力，為人清秀善為文，官祿星扶進爵秩。

觜宿：氣躔觜宿號天福，衣食安然百事足，金珠財寶自天來，妻子難為帶孤獨。

參宿：氣躔參宿號天瓊，終是為官貴且榮，幹直忠良參相位，文章事業四方間。

井宿：氣躔井宿號天令，文武雙全才更敏，參樞給諫盡功名，官職崇高年壽永。
鬼宿：氣躔鬼宿號天榮，積善之家有此人，富貴崇高聲遠振，官途起越旺門庭。
柳宿：氣躔刀宿號天平，好靜溫良免禍生，衣食平平無破敗，子孫中是不相親。
星宿：氣躔星宿號天強，命中若遇定孤孀，財旺家門自興盛，若為僧道壽延長。
張宿：氣躔張宿號天芒，剋害妻兒命裏當，縱有高才心又急，晚年方可免悽惶。
翼宿：氣躔翼宿號天牢，命宮若值定孤高，生計為謀多費力，若為僧道自逍遙。
軫宿：氣躔軫宿號天嗟，孫子豐隆后必乖，命若逢之身獨嘉，此人衣食稍寬懷。

日宮：主為性緩，作事方圓，好藝術，有慈心，因道藝成立後乃富貴。
月宮：主為性緩，作事方圓，好藝術，有慈心，因道藝成立後乃富貴，同日宮。
水宮：主為人性格聰慧，智量大，有心機，主富貴。
木宮：主為人性格聰慧，智量大，有心機，主富貴，同水宮。
火宮：主性格慈惠，文武異常，見文習文，見武習武，更諸星居有力位，大貴。
金宮：主好兵法，有謀略，得貴人擢用。若諸星在強宮、生旺，主有位。
土宮：主為人有信，作事方圓，有聲名，好文章。三主星居有力位，必有典郡之權，三主星在稍高位，定主大富；三主在無力位，亦主微福。

孛

角宿：孛躔角宿號天壘，情性聰明豐貌美，貪淫好酒心不賢，殺害傷妻須剋子。
亢宿：孛躔亢宿號天微，心毒如蛇事事危，易喜易嗔心不定，此生定是損妻兒。
氏宿：孛躔氏宿號天僉，凡事施為細且纖，更得官星來救助，朱衣紫綬萬人瞻。
房宿：孛躔房宿號天瞻，身命逢之樂自然，武略文韜居顯宦，功名更立主威權。
心宿：孛躔心宿號天祇，官職榮遷祿位宜，百里郎官名位著，參謀半刺著緋衣。
尾宿：孛躔尾宿號天該，家道興隆慶自來，身命逢之官祿至，將軍公輔蘊三才。
箕宿：孛躔箕宿號天華，燕國相逢定性奢，官祿連遷趨貴顯，金珠財物富豪家。
斗宿：孛躔斗宿號天鬣，面上波濤口訥調，不是過房須有剋，貪花愛酒賭錢消。
牛宿：孛躔牛宿號天風，孤寡徒刑性更兇，若教疾病躔身上，免得生離不善終。
女宿：孛躔女度名暗星，毒害顛狂損六親，柳陌花街游冶客，只愁老後更伶仃。
虛宿：孛躔虛宿號天智，萬事施為皆遂意，官班富貴旺門庭，只恐六親無一二。
危宿：孛躔危宿號天姘，命若逢之旺一家，不是官榮須富盛，妻宮子位不吁嗟。
室宿：孛躔室宿號天仗，及到雙魚為正旺，逢之富貴必超榮，定作朝廷公與相。
壁宿：孛躔壁宿號天巴，旺地逢之到一家，身命逢之徒說好，到頭不免事如麻。
奎宿：孛躔奎宿號天便，賣盡田園賭盡錢，不是酒兮須博奕，貪花浮浪苦憂煎。
婁宿：孛躔婁宿號天邪，年少浮遊浪裏花，寬緩性情心不定，平生終少病災加。
胃宿：孛躔胃宿號天翰，性急情寬事少閒，只恐為官年不永，若居貧困壽如山。
昂宿：孛躔昂宿號天喜，命若逢之姿貌美，妻宮損剋兩三重，祿位須逢升玉陛。
畢宿：孛躔畢宿號天詵，富貴生平主有聲，超越仕途雲路早，朱衣紫綬相儒名。
觜宿：孛躔觜宿號天真，秀氣文章自立身，年少登科官進早，性情容易便生嗔。

參宿：孛躔參宿號天銓，官祿須逢抵不難，妻子宮中須有剋，更兼夭壽在蒼顏。
井宿：孛躔井宿號天誑，衣祿生來須大旺，資財恐是別人收，有子終須還破蕩。
鬼宿：孛躔鬼宿名天詭，巨富官榮兩無價，為人毒害更英雄，先有聲名大權伯。
柳宿：孛躔柳宿號天沖，將相功勳祿萬鐘，威望從來臺憲任，蜚聲騰達顯英雄。
星宿：孛躔星宿號天戎，定斷妻兒三兩重，執拗為人心猛勇，生來衣食老無終。
張宿：孛躔張宿號天權，妻子宮中未保全，衣食生來自豐足，性情高尚作忠良。
翼宿：孛躔翼宿號天譁，此是星辰到本家，喜怒不常多色慾，心如狼虎毒如蛇。
軫宿：孛躔軫宿號天忒，戀酒迷花好遊奕，家財破盡好行偷，若不投軍須有剋。

日宮：主為人重厚心直。三方盡在強宮，主少年榮達，非在強宮，主少年雖得貴人見知，諸事不成立。

月宮：主為人性剛，作事忠直，有謀計好殺害。守虛、危、井、柳、鬼、翼宿者，主節察位。

木宮：主為人重厚心直。三方盡在強宮，主少年榮達，非在強宮，主少年雖得貴人見知，諸事不成立。

火宮：主為人性快，出言一審是非，一生宜防婦人損陷，及小人暗窺。主星在最高之地，立在微職，合少年立身。

土宮：主為人性剛，作事忠直，有謀計好殺害。守虛、危、井、柳、鬼、翼宿者，主節察位。

金宮：主為人性剛，作事忠直，有謀計好殺害。守虛、危、井、柳、鬼、翼宿者，主節察位。

水宮：主為人性剛，作事忠直，有謀計好殺害。守虛、危、井、柳、鬼、翼宿者，主節察位。

羅

角宿：羅躔角宿號天模，性直機謀出眾徒，家道自如心莫妄，限扶終久是良圖。
亢宿：羅躔亢宿號天般，藏物心懷亦且寬，特達機謀人仰羨，晚年衣食恐難安。
氏宿：羅躔氏宿號天攜，命若逢之必損妻，頭女長男須要剋，資財卻免散東西。
房宿：羅躔房宿號天從，大富資財膽氣雄，文武兼全官五品，兵刑之任福偏濃。
心宿：羅躔心宿號天辰，巨祿高才出眾人，巧計多知剛果毅，威名遠服四夷賓。
尾宿：羅躔尾宿號天畋，命裏逢之有重權，上將論功心好殺，何愁此地不為官。
箕宿：羅躔箕宿號天聰，廟旺之宮祿早逢，百萬兵師歸統御，金吾衛上及三公。
斗宿：羅躔斗宿號天磨，命若逢之福亦多，智慧機謀能出眾，也須財利帶奔波。
牛宿：羅躔牛宿號天羈，剛毅能為主重權，相貌豐隆髭滿面，妻兒先損謾機圓。
女宿：羅躔女宿號天巡，午亥生人立大勳，廊廟之中須大任，其他衣食且平平。
虛宿：羅躔虛宿號天鏐，甲命生人位列侯，身命若逢衣食旺，到頭中是喜清幽。
危宿：羅躔危宿號天稷，肥厚身材更有鬚，藏事心機財亦旺，自成自立免憂虞。
室宿：羅躔室宿號天躔，出眾超群有大權，作事操特心耿直，若逢司命是高賢。

壁宿：羅躔壁宿號天持，機智文章計出奇，通達天文榮且貴，多能多壽譽名馳。
奎宿：羅躔奎宿號天威，性情焦煩不受欺，猛烈為人心硬直，狼貪妒婪食衣肥。
婁宿：羅躔婁宿號天誌，抗直傷人兼有義，多招閑事與閑非，衣食生來心未遂。
胃宿：羅躔胃宿號天憚，記問淵源性剛直，小人此位是威權，君子逢之進官職。
昂宿：羅躔昂宿號天靖，出眾機權多好勝，初年須破晚方成，果毅操持有權柄。
畢宿：羅躔畢宿號天危，言語猖狂惹是非，剋害妻兒君莫怨，平生衣食也隨時。
觜宿：羅躔觜宿號天申，亥命逢之是喜神，家道興隆金玉富，為官應許侍楓宸。
參宿：羅躔參宿號天津，稟性清閑心洞明，籌策自能知道釋，眾人欽仰振威名。
井宿：羅躔井宿號天空，怒地平生運不通，若得水星同在度，木羅相愛卻無凶。
鬼宿：羅躔鬼宿號天昌，機變文章志氣揚，形貌魁崇腰且厚，子孫應是保安康。
柳宿：羅躔柳宿號天鰥，愛樂林泉智在山，胸次文章財廣博，猶如僧道喜清閒。
星宿：羅躔星宿號天圓，命若逢之權自專，法令兵刑堪任重，文韜武略兩皆全。
張宿：羅躔張宿號天目，命若夏逢多發福，威名遠播鎮邊疆，帥相居朝榮貴祿。
翼宿：羅躔翼宿號天愚，心毒藏機語不虛，巧妙性情容貌美，貴人親近得安居。
軫宿：羅躔軫宿號天神，武職之官此位逢，生殺之權心自縱，金吾節度兩班同。

日宮：主有節操，臨事銳，多勇猛，有貴位。主星如居強位，必有生殺之權，稍得福星之力，主有位，如無福星臨三方，不居強位，一生多惡事上立身，因此成敗。

月宮：主文學，多色慾，有貴位，更得諸曜相扶，位至三品，若無星助，三方稍高，其人亦有權。

木宮：主性格聰明，足詞多智。若入宮度淺，晝有位，夜有財；入宮度深，晝微貴，夜微富。

火宮：主為人性急，幹事明白，好兵權，有掌握。晝生，大貴；夜生，有福。

土宮：主為人性凶猛，好殺害。晝生，有福；夜生，大富。

金宮：主為人聰俊，有威權。晝生，貴達；夜生，有福。火孛同宮，則減力。

水宮：主性格聰慧，好文章，有才能。入宮淺，有位；深，有財。

計

角宿：計躔角宿號天冲，五星逢之立見凶，惡暴性情尤毒烈，猖狂促壽法刑中。

亢宿：計躔亢宿號天戈，軍陳塑功福未多，不是兵機軍健輩，定須自縊與投河。

氏宿：計躔氏宿號天通，東出尤宜十度中，若對命官聲遠著，更逢福曜吉豐隆。

房宿：計躔房宿號天迺，兄弟難為並子孫，晝日陽宮應且破，雖教禍害已臨門。

心宿：計躔心宿號天嗤，狡猾無凶出賤卑，性急謀高難奈事，須知夭壽少年時。

尾宿：計躔尾宿號明星，百計千方巧性靈，若是火同身且貴，自然文學有聲名。

箕宿：計躔箕宿號天世，不招祖業自身孤，心懷巧計多奸猾，衣食生平亦少無。

斗宿：計躔斗宿號天梁，智慧聰明子息強，會得文章須近貴，佳名端可四方揚。

牛宿：計躔牛宿號天常，豐采堂堂性格良，更得善星同在度，垂紳縉笏侍君王。

女宿：計躔女宿號天遷，為福須為土地官，躔在度初為大貴，遷官美任定非難。
虛宿：計躔虛宿號天流，父母須逢骨肉售，若見孛星同會此，定知處處夜行偷。
危宿：計躔危宿號天游，衣食艱辛事事憂，剋子損妻定破散，平生孤苦不舒愁。
室宿：計躔室宿號天真，性烈官高位不輕，若得木星來救助，為官七品至公卿。
壁宿：計躔壁宿號天魚，四度之間十度居，與廟之中官極貴，十年之內位金吾。
奎宿：計躔奎宿號天雄，本月逢之近帝窩，火土若逢凶且咎，終為亂世賊臣中。
婁宿：計躔婁宿號天垣，旺廟之中定主權，體貌堂堂威望重，功勳將相主王公。
胃宿：計躔胃宿號天刑，日裏逢之怕火并，若不離青文被面，定須犯法必為兵。
昂宿：計躔昂宿要星扶，初限元來懶讀書，只可就來刀劍上，將軍位列至金吾。
畢宿：計躔畢宿號天征，天上呼為一典刑，得地逢之終是吉，前程遠大有聲名。
觜宿：計躔觜宿號天扶，僧道之人豈是孤，若見財星三合照，不偽牙僧販商夫。
參宿：計躔參宿號天歡，水宿相逢作美官，庶俗也當迴避此，定知毒惡不相安。
井宿：計躔井宿號天衝，命度逢之立見凶，若在祿宮尤見喜，提兵百萬逞英雄。
鬼宿：計躔鬼宿號天旗，威武兵權立見機，君子逢之官品貴，小人剝面有凶危。
柳宿：計躔柳宿號天災，命裏逢之大見乖，骨肉分離財破散，父南子北不和諧。
星宿：計躔星宿號天鞍，命若逢之有祿官，庶俗化為文秀士，凶星一見刃傷殘。
張宿：計躔張宿號天孤，病若貧窮莫嘆吁，妻子身邊無一個，耳聾眼疾作殘夫。
翼宿：計躔翼宿號天蛇，性毒心凶身刺花，惡事更兼重複見，不然心亂好淫邪。
軫宿：計躔軫宿號天強，官職須教訓練場，節度兵刑須大佐，才猷奮迅佐朝堂。

日宮：主為人重厚，作事超群。入位淺，諸星在有力位上，其人大貴；三方主，在稍高位者，多因賊害成事，乃貴達。

月宮：主有心機，作事明敏。

木宮：主性聰慧，更在強宮，主貴，晝生，轉加福力。

火宮：主為人性急，好行凶惡事，一生多被人暗損陷。在心宿，其有殺伐之權，不居此宿，微有職。

土宮：主為性拘執，作事能審是非，得暗昧財成富。

金宮：主為人好爭鬥，多口舌，因婦人致厄難，得善星救之可免。

水宮：主為少年多災，善星救之可免，晚年有祿。